



Broj/Број: 01/8-50-1-8-18/06  
Sarajevo/Сарајево: 8.3.2006.godine

## Z A P I S N I K

18. sjednice Komisije za ostvarivanje ravnopravnosti spolova u BiH (u daljnjem tekstu: Komisija), održane 8.3.2006. godine, s početkom u 11,00 sati.

Sjednici Komisije prisustvovali su:

- Jozo Križanović, predsjedavajući Komisije,
- Ljiljana Milićević, prva zamjenica predsjedavajućeg Komisije,
- Nadžida Mlaćo, druga zamjenica predsjedavajućeg Komisije,
- Mubera Ušanović, član Komisije,
- Mirsad Sipović, član Komisije,
- Vlatka Komšić, član Komisije i
- Jelina Đurković, Član Komisije.

Odsustvovali su: Azra Hadžiahmetović i Nijaz Duraković, članovi Komisije.

Od gostiju sjednici je prisustvovalo 50 gostiju, a među njima i Samra Filipović-Hadžiabdić, direktorica Agencije za ravnopravnost spolova BiH; Željka Mudrovčić, predstavnik UNFPA Misija u Bosni i Hercegovini, Mustafa Pamuk, predsjedavajući Doma naroda Parlamentarne skupštine BiH, Klelija Balta, menadžerica UNDP i drugi.

Za sjednicu je usvojen sljedeći:

### **Dnevni red:**

- 1. Usvajanje zapisnika 17. sjednice Komisije,**
- 2. Svečana sjednica u povodu 8. marta Dana žena.**

### **Ad. – 1. Usvajanje zapisnika 17. sjednice Komisije**

Nakon pozdravnih riječi i otvaranja svečane sjednice Komisije, predsjedavajući Komisije Jozo Križanović je predložio raspravu i izjašnjenje o zapisniku Komisije 17. sjednice.

Kako nije bilo diskusije o ovoj tački dnevnog reda, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 17. sjednice Komisije.

## **Ad – 2. Svečana sjednica u povodu 8. marta Dana žena.**

U uvodu za ovu tačku dnevnog reda predsjedavajući Komisije, **Jozo Križanović** je biranim riječima ukazao na značaj 8. marta u svijetu, kao i potrebe za ostvarivanjem ravnopravnosti spolova. On je čestitao svim ženama 8. mart, ističući da su putevi ostvarenja ravnopravnosti spolova dosta teški, ali da se osjeća napredak. Predložio je da njegova zamjenica, Ljiljana Milićević, obrati se povodom ovog velikog praznika, a poslije nje, zamolio je da se i drugi obrate.

**Ljiljana Milićević, zamjenica predsjedavajućeg Komisije**, čestitala je svim ženama 8. mart. U svom obraćanju, ukazala je na tradiciju obilježavanja 8. marta od oko 100 godina. Ona je ukazala na činjenicu da je ravnopravnost spolova duboko ukorijenjena u zakonodavstvima demokratskih država, ali i u Bosni i Hercegovini. Ustav BiH garantuje ravnopravnost, kao i Zakon o ravnopravnosti spolova koji smo donijeli 2003. godine. Ali, i pored toga, ona smatra da muškarci i dalje dominiraju, što se vidi iz mnoštva primjera, kao npr. kandidacionih lista za naredne izbore, gdje procenat kandidovanih žena ne zadovoljava.

Ona se osvrnula i na rad Komisije za ravnopravnost spolova Predstavničkog doma PS BiH, uakzujunji na njen veliki doprinos promjenama koje se uočavaju u Bosni i Hercegovini.

U svom obraćanju, ukazala je na položaj žene u tranziciji, konstatirajući da je on veoma loš. Ali je, na kraju, zaključila, da će žena biti pobjednik, jer kako je rekao Ivo Andrić, ona je bila na početku i bit će na kraju svijeta.

Po njoj, nije dovoljno da se žena cijeni samo za 8. mart, već treba biti njenih 365. dana, a ne samo jedan dan.

**Samra Filipović, direktorica Agencije za ravnopravnost spolova BiH**, u svom obraćanju ukazala je na značaj postojanja Agencije za ravnopravnost spolova. Današnja aktivnost počiva na aktivnosti Gender centara u Republici Srpskoj i Federaciji BiH, kao i ovoj Agenciji. Agencija još nije kompletirana. U svom punom kapacitetu, Agencija za ravnopravnost spolova BiH će uspješno pripremati nove i implementirati stare propise, koji se tiču ostvarivanja ravnopravnosti spolova.

**Željka Mudrovčić, koordinator Kancelarije UNFPA u Bosni i Hercegovini** ukazala je na značaj Svjetskog populacionog fonda i njegove aktivnosti na poboljšanje položaja žena i njenom trendu ka ravnopravnosti. Ona je istakla da žene grade mir. Nju ohrabruju aktivnosti koje ukazuju na trend ravnopravnosti spolova. Angela Merkel, kancelar Republike Njemačke je prva žena kancelar. Ranija praksa će se mijenjati u korist žena.

Ali postoje sadašnji problemi. Hiljade žena u svijetu ne mogu ostvariti svoja reproduktivna prava. Ona ukazuje na posljednji Samit lidera svijeta, na kome je zaključeno da se osigura univerzalni pristup zdravlju žene.

**Klelija Balta, menadžerica UNDP**, pozdravila je sve prisutne u ime UN grupe. Ukazala je na cilj gendera, a to je osnaživanje žena. Generalni sekretar UN je povodom ovog praznika poslao pismo.

Žene se udružuju i provode zajedničku strategiju ravnopravnosti spolova, kako na lokalnom, tako i na širem, regionalnom planu.

Sarajevo je postalo regionalni gender centar.

**Mustafa Pamuk, predsjedavajući Doma naroda Parlamentarne skupštine BiH** čestitao je 8.mart, Dan žena svima. On je istakao da žene, zrak, voda i zemlja čine svijet svijetom.

Čestitkama za 8.mart pridružile su se i druge zvanice (Marijana Dinek; Ana Vuković, direktorica Gender centra F BiH; Besima Borić, koordinatorica GTF Ureda u BiH i dr.).

Na kraju, **Ljiljana Milićević** je zatvorila sjednicu i pozvala goste na druženje uz svečani prijem.

Sjednica je završena u 12,30 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Jozo Križanović